

FUNDACIÓN VIGO EN DEPORTE

O 17 de abril de 2002 ponse en marcha a Fundación Vigo en Deporte da man do Concello de Vigo, Caixanova, Pescanova e PSA Peugeot Citroën proclamándose deste xeito membros fundadores dunha organización de natureza fundacional, recoñecida de interese xeral galego e constituída sen ánimo de lucro.

Fins fundacionais

Ante as demandas do tecido deportivo da cidade foi necesario crear unha fundación que dese respostas e solucións. Por iso, dende o principio os seus obxectivos foron claros: *O fomento e promoción do deporte a través do apoio, difusión e axuda ás entidades deportivas da cidade de Vigo, como medio de promoción e difusión da cultura deportiva, posibilitando un maior achegamento a todos os cidadáns e ao resto da sociedade en xeral.*

Destinatarios

A Fundación Vigo en Deporte ven desenrolando a súa actividade fundamentalmente mediante o apoio aos catro sectores deportivos que conforman a totalidade do deporte vigués:

- clubs de base
- clubs de elite
- deportistas individuais
- deporte popular

Órganos de goberno

Padroado

É o máximo órgano de goberno da Fundación e está formado por dous membros de cada unha das entidades fundadoras:

Concello de Vigo: D. José Manuel Fernández Pérez (Presidente delegado e Vicepresidente)

PSA Peugeot Citroën: D. Juan Antonio Muñoz Codina e Dña María José Táboas Cabral.

Ademais o Padroado conta cos seguintes asesores:

Secretario: D. José Riesgo Boluda

Asesor Técnico: D. José Angel Otero Lamas

Comité Executivo

Este órgano está integrado por un representante de cada entidade.

Liñas de actuación

Dando cumprimento aos fins fundacionais do artigo 6 dos Estatutos, para o ano 2013 materialízanse as accións xerais nas seguintes liñas de actuación:

A) PROGRAMA SIAREIROS

Un dos motivos principais do nacemento da Fundación foi a creación do programa Siareiros. Nunha cidade como Vigo onde a práctica deportiva está completamente estendida son innumerables os clubs tanto de base como de elite que aportan o seu traballo, esforzo e experiencia a un sen fin de deportistas que gozan diariamente do deporte. Por iso a Fundación tenta xuntar as forzas de todos os patrocinadores e repartir as axudas en función da categoría do club, uso de instalacións, relevancia do deporte, etc.

Obxectivos

- 1) Alentar ao deporte base da nosa cidade co fin de crear unha sociedade cimentada nos valores deportivos da honestidade, solidariedade e saúde.
- 2) Axudar aos equipos de Vigo a facerse un oco no máis alto do deporte nacional.
- 3) A posibilidade para os equipos de base de Vigo de poder adestrar nas instalacións municipais de forma gratuíta.

Carné Siareiros e base de datos

A Fundación crea este carné como instrumento de afiliación e recadación para os clubs. A través dun programa informático instalado na páxina web da Fundación (www.vide.es) os clubs introducen nunha base os datos dos afiliados ao seu club (siareiros). Posteriormente, a Fundación personaliza os carnés co nome, apelidos, número de siareiro, código de barras e escudo do club. Existen dúas modalidades de carné:

- Carné Siareiro Club

Beneficios para os Clubs de base:

- Prezo de venda: Os clubs comprométense coa Fundación a vender este carné recadando para eles integramente o importe de 6 €.
- Uso de instalacións deportivas municipais gratúitas cumprindo os requisitos recollidos no convenio Siareiros asinado entre o Club e a Fundación. O pago destas instalacións o asume a Fundación cun pago ao Instituto Municipal dos Deportes (IMD) ou directamente a os clubs.

Beneficios para os Siareiros:

- Participar en sorteos, promocións e gozar de descontos nos establecementos colaboradores da Fundación.

- Abono Siareiro Elite

Beneficios para os Clubs de elite:

- Prezos de venta:
Recaudados e dirixidos integramente ao club.

Infantil (ata 12 anos): 15 €	Xuvenil (ata 21 anos): 40 €
Universitario: 40 €	Xubilado: 40 €
Pensionista: 40 €	Pensionista (PNC): 30 €
Parado individual: 50 €	Familiar especial: 90 €
Individual senior: 95 €	Familiar (máx. 5):150 €
Palco VIP individual: 300 €	Palco VIP dúo: 500 €

Beneficios para os Siareiros:

- Asistir a todos os partidos dos clubs de elite da cidade durante toda a tempada.
- Participar en sorteos, promocións e gozar de descontos nos establecementos colaboradores da Fundación.

Relación de clubs participantes no programa:

Clubs Siareiros Base

ALERTA NAVIA
 ARENAS DE ALCABRE S.C.D.
 BADMINTON RACHAPLUMAS
 BALONCESTO SEIS DO NADAL-COIA
 BEMBRIVE MOSTEIRO F.S.
 C.A.R.P.A.-CLUB AS RODAS PATIN. ARTÍSTICA
 CASTRELOS PATINAXE ARTÍSTICA
 CICLISTA VIGUÉS
 DEPORTIVO A PAZ 03
 LUCHA CIUDAD DE VIGO
 NATACIÓN RÍAS BAIXAS/CN GALAICO
 PATÍN VAGALUME
 TRAVIESAS HÓCKEY
 UNIÓN BALONMANO LAVADORES
 VIGO 2015
 VIGO F.S.
 VIGO RUGBY CLUB
 VIGO SQUASH

Clubs Siareiros Elite

AMFIV
 A.D. OCTAVIO VIGO
 BALONMÁN SEIS DO NADAL-COIA
 BEMBRIVE MOSTEIRO F.S.
 C.D. BOSCO
 F.P.R. EL OLIVO
 HALCONES DE VIGO BEISBOL CLUB
 TRAVIESAS HOCKEY
 UNIÓN BALONMANO LAVADORES
 VIGO RUGBY CLUB
 VIGO VOLEIBOL
 XUENIL DE TEIS

Carnés Siareiro Base e Elite da tempada 2012-2013.



Presentación da tempada 2012-2013 cos clubs participantes, patrocinadores e membros do Padroado de VIDE.



Sorteo dunha moto doada por Movisa.



Sorteo dunha viaxe ao Caribe doado por Viajes Eroski.



B) XIV CAMPUS POLIDEPORTIVO

O Campus Polideportivo é de longa tradición na nosa cidade, comezou polo ano 2000, pero foi no ano 2002 cando a Fundación VIDE asumiu a súa organización e financiamento, co nacemento da nosa entidade.

Actividades

Toda a axuda é necesaria para desenrolar o Campus Polideportivo posto que grazas a el durante os últimos catorce anos 2.800 rapaces e rapazas viguesas (200 cada ano) puideron gozar dunha oportunidade única: achegarse á práctica dos deportes, dende a iniciación ata o perfeccionamento da man das mellores entidades deportivas da cidade:

- R.C. Celta (Baloncesto Feminino)
- Club Vigo Voleibol (Voleibol Masculino)
- Club Deportivo Octavio (Balonmán)
- Club Traviesas H.C. (Hóckey a Patíns)
- Xuvenil de Teis (Voleibol Feminino)
- Coruxo F.C (Fútbol Sala)

Todos os anos dende a Fundación tratamos de incorporar deportes novos e mais minoritarios para que os nenos e nenas teñan coñecemento doutros deportes. Así como en edicións anteriores introducíronse deportes como o beisbol ou o rugby, nesta ocasión disfrutaron xogando ao "cachibol" e o "kimbal" da man da Agrupación Cachibol Vigo.

Estes deportes se complementan coas horas de natación na Piscina Municipal das Travesas e cunha visita as Illas Cies.

A excursión as Illas Cies foi o día 27 de xuño, da man da Naviera Mar de Ons que un ano mais colabora con nos nesta actividade.

Obxectivos

O principal obxectivo non foi outro que o achegamento dos rapaces e rapazas á realidade multideportiva da cidade enriquecendo o seu coñecemento e práctica deportiva, fomentando valores de convivencia e deportividade.

Consecuentemente alcánzase un segundo obxectivo, e non por iso menos importante, o apoio ao deporte de base: debido ao grao de éxito do programa incrementábase o número de inscritos nas escolas das entidades deportivas participantes, posto que moitos destes rapaces queren continuar coa práctica do deporte que empezaron a descubrir.

Destinatarios

Pódense beneficiar deste programa todos aqueles rapaces e rapazas con idades comprendidas entre os 8 e 14 anos. Para unha mellor organización posteriormente divídense en grupos diferenciados por cores.

As actividades realízanse no Complexo Deportivo das Travesas dirixido polo I.M.D., entidade colaboradora con este Campus.

As datas desta decimocatorce edición foron dende o 25 ao 28 de xuño, en horario de 9h a 18h. O precio mantense conxelado dende hai varios anos na cantidade de 65€ por neno/a que inclúe, ademais das actividades deportivas, unha merendíña a media mañá e a comida servida por unha empresa de catering; ademais dun seguro persoal para cada neno ou nena.

Clausura

O último día pola tarde, dende as 16h os familiares e amigos dos nenos e nenas teñen xornada de portas abertas para ser participes das actividades que se realizan e como colofon final, a partir das 17h facemos unha festa de despedida coa entrega de diplomas de asistencia e o sorteo de regalos.

Na hora da comida do Campus Polideportivo.



Clausura do Campus Polideportivo.



C) XIII TORNEO INTERNACIONAL DE FÚTBOL BASE "VIGO CUP"

Trece anos de experiencia avalan a calidade do Torneo Internacional de Fútbol Base celebrado en Vigo do luns 1 de xullo ata o domingo 7 de xullo.

A Fundación VIDE traballa dende principios de ano na organización deste evento. Uns 3.000 nenos e nenas entre os 6 e os 16 anos xogan nos mellores campos do termo municipal, apoiados por preto de 300 técnicos. En total oito categorías, seis para fútbol 7 e dous para fútbol 11. Xogan a fútbol pero tamén comparten convivencias, xogo limpo e sobre todo diversión. Combínase deporte e ocio da mellor forma posible: cos mellores campos e coordinadores e coa paisaxe máis envexable, as Rías Baixas.

A Vigo Cup pode presumir xa de inscribir no seu palmarés o nome de 54 campións pertencentes a 28 clubs, e tamén do coidado do deporte feminino para colocalo ao mesmo nivel que o masculino.

Categorías

Fútbol 7

Sub7: mixta, nados/as despois de 01/01/2006
Sub8: mixta, nados/as despois de 01/01/2005
Sub10: mixta, nados/as despois de 01/01/2003
Sub12: mixta, nados/as despois de 01/01/2001
Sub16: feminino, nadas despois de 01/01/1997
Damas: aberta

Fútbol 11

Sub14: mixta, nados/as despois de 01/01/1999
Sub16: masculina, nados despois de 01/01/1997

Instalacións

Nesta edición a Vigo Cup xogouse nos campos de Coruxo, Samil, Coia (A Bouza), Comesaña, San Miguel, A Guía, Bouzas, Sárdoma, Navia e no Estadio de Balaídos onde se xogan as finais da Vigo Cup.

Matrículas

Mantivéronse os prezos conxelados con respecto a anos anteriores.

Sub 7 e Sub 8: 30 € por equipo.

Resto de categorías:

- Matrícula ordinaria: 90 € por equipo.
- Matrícula bonificada: 60 € por equipo solicitando a inscrición antes do 17 de maio de 2013. E, cada cinco inscricións do mesmo club, unha lles vai de balde; e os Campións do Cadro de Honra da edición 2012 de cada categoría están invitados.

Participaron 48 clubs (cerca de 200 equipos) de Vigo e a súa provincia, Ourense, Madrid, Salamanca e León; e de Portugal acudiron equipos de Porto e Setubal.

Sistema de competición

O Torneo Internacional de Fútbol Base Vigo Cup rixese segundo as normas da FIFA e da Federación Española de Fútbol. Os equipos divídense en grupos de 4 ou 5, dependendo da inscrición. Nunha primeira fase enfrontáñse nunha liga a unha soa volta. Na segunda fase o 1º e 2º de cada grupo clasifícanse para a Fase Final, o 3º e 4º de cada grupo xogan a serie de consolación. Esta segunda fase desenvólvese polo sistema de eliminación directa (copa).

Todos os participantes contan cun seguro deportivo contratado especificamente para a Vigo Cup.

Transporte e aloxamento

Durante a competición todos os xogadores e equipo técnico poden utilizar durante todo o día o transporte público gratuitamente (VITRASA) mostrando a súa acreditación do Torneo. Ademais todos os campos contan cunha liña de autobús próxima.

Contamos con casi unha ducia de aloxamentos (hoteis de todas as categorías, residencias e campings) a prezos especiais para os participantes, todos ubicados na cidade de Vigo e arredores.

Actividades paralelas

Todos os anos dende a Organización tratamos de xestionar actividades complementarias á deportiva, tanto para os equipos locais como para os que veñen de fora.

Entre as actividades totalmente de balde contamos con visitas ao VigoZoo e ao Museo R.C. Celta de Vigo; e as actividades con prezos reducidos abarcan dende as visitas as Illas Cies e Cangas da man da Naviera Mar de Ons; visita ao Museo do Mar e a actividade coa empresa Vigo Paintball.

Torneo de penaltis

Por quinto ano consecutivo celebrouse o torneo de penaltis que proporciona motivación aos rapaces e rapazas e exhibición aos asistentes. Cada equipo pode presentar un número máximo de xogadores incluído o porteiro.

Os campións desta edición foron: Sub 7 Santa Mariña A; Sub 8 Areosa; Sub 10 Santa Mariña A; Sub 12 RC Celta A; Sub 14 Rápido de Bouzas e Sub 16 Clínica Salas.

Clausura

As finais de tódalas categorías, coma ven sendo habitual, celebráronse no Estadio de Balaídos (domingo 7 de xullo), cunha grande afluencia de público, patrocinadores e autoridades da cidade.

Os vencedores desta decimoterceira edición foron:

Sub 7:	Victoria A
Sub 8:	Areosa
Sub 10:	Celta A
Sub 12:	Celta A
Sub 14:	Santa Mariña A
Sub 16:	Celta
Damas:	El Olivo

Disputando un dos partidos da competición.



A ledicia dos vencedores.



A afección volcada cos participantes.



Clausura no estadio de Balaídos.



D) PROXECTO VOVIS 2013

A Fundación ven desenrolando ano tras ano o seu programa de voluntariado denominada "VOVI", é dicir, Voluntario Vide, onde o obxectivo a alcanzar é a dinamización dunha actuación voluntaria no ámbito deportivo, o cal se presenta cheo de eventos que precisan da axuda da cidadanía.

Eventos deportivos da cidade

En Vigo celébranse ao ano mais de 150 eventos deportivos, que van dende o mais alto nivel nacional, internacional e mundial, ata aqueles populares organizados nas parroquias do noso ámbito. De forma xeral, todos e cada un destes eventos, demandan unha colaboración para facer efectiva a súa organización, é dicir, demandan a necesidade de medios humanos de cara a colaborar en diversas áreas de organización destes eventos.

Estas actuacións en materia deportiva, pola súa tradición e repercusión, enxalzan cos principios universais de unión, amizade e participación de distintos pobos e culturas. É por iso que a Fundación quere participar coa súa cidade mediante o voluntariado deportivo como signo de solidariedade e cordialidade.

Neste ámbito de traballo a actuación dos nosos VOVIS centrouse principalmente nos seguintes eventos do 2013:

51º Gran Premio Pedestre do Nadal- Carreira do Pavo (23 de decembro)
Gala de entrega de trofeos das Carreiras Populares 2012 (15 de xaneiro)
30ª Carreira Nocturna de San Xoán (23 de xuño)
XIV Campus Polideportivo (do 25 ao 28 de xuño)
XVI Festa do Patín (17 de maio)
Día da Rítmica (1 de xuño)
Torneo de Fútbol Base Internacional Vigo Cup 2013 (do 1 ao 7 de xullo)

Dende a Fundación, temos presente este traballo altruista co constante recoñecemento e admiración hacia as persoas cooperantes.

E) BIBLIOTECA DEPORTIVA

Dende o noso nacemento vimos trealizando un traballo de difusión do espírito deportivo, tamén a través de cultura.

Este proxecto centrase na divulgación do espacio adicado dentro das nosas instalacións á Biblioteca Deportiva. Trátase dunha idea pioneira dentro do noso entorno, sendo a única Biblioteca especializada en deporte. A súa capacidade actual é de mais de 1.000 libros, ademais de publicacións deportivas periódicas, vídeos e cds explicativos e prensa de ámbito local e nacional. Para o seu desenvolvemento contamos cunha sala audiovisual equipada con televisor, dvd e acceso a internet.

Todo aquel que o desexe pode facer uso destes medios e incluso do servizo de préstamo de forma totalmente gratuíta.

F) PROGRAMA DE COMUNICACIÓN

Os principais puntos do programa de comunicación os temos na páxina web e a presenza na prensa local.

Páxina web (www.vide.es)

Contamos cunha páxina web actual, dinámica e que permite unha maior e mellor actualización dos seus contidos. A actualización destes contidos se realiza diariamente e conta con cerca das 600.000 visitas a o longo do ano.



Páxina no Diario Decano Faro de Vigo

Todos os anos Faro de Vigo renova a súa colaboración coa Fundación cedendo unha páxina todos os mércores onde se recollen noticias de actualidade, entrevistas, encontros deportivos, etc. chegando a un sen fin de persoas por ser un dos diarios de maior tiraxe. Ademais de recoller e dar unha importante difusión as actividades realizada por VIDE.



CONCELLO DE VIGO

G) OUTROS PROGRAMAS DE PROMOCIÓN DEPORTIVA

O tecido deportivo da cidade formado por federacións, clubs e deportistas tenta dinamizarse continuamente, tenta impulsar e actualizar a súa actividade porque cree firmemente no seu proxecto. Deste xeito celebran torneos ao longo de todo o ano, festivais, campionatos, xornadas de portas abertas, etc. Sen embargo, a súa boa vontade non sempre é suficiente e precisan da Fundación para a súa organización e loxística.

Para nós é un orgullo poder axudalos xa sexa mediante a provisión de bebidas, froita, petos, gorras, camisetas, balóns e merchandising en xeral que na maioría das veces é doado polas nosas empresas colaboradoras ou ben mediante a proporción de medios para a súa organización e voluntarios.

Por outra banda, a Agrupación Deportiva Vigo recibe, a través dun convenio de colaboración que se renova cada ano, o apoio da Fundación VIDE mediante a cesión de instalacións na sede da Fundación. O motivo reside na magnitude deportiva que move esta Agrupación a través da súa Liga Vigo en Xogo posto que mais de 4.000 persoas participan anualmente nela baixo as modalidades de fútbol sala, fútbol sete sénior e baloncesto.

A Concellería de Deportes pon en marcha entre marzo e decembro do 2013 a quinta edición do Circuito de Carreiras Populares Cidade de Vigo. A idea, desenvolvida noutras localidades e/ou comunidades autónomas, nunca se levara a cabo en Vigo, a pesar da tradición atlética da cidade. A Concellería de Deportes, con asesoramento e apoio loxístico de VIDE, promoveu a participación cuns premios económicos sen parangón.

O Circuito engloba nove probas pedestres: II Correndo por Vigo, VII 10 km Cidade Universitaria de Vigo, XIV Medio Maratón Vig-Bay, XXX Carreira Nocturna de San Xoán, IV 10 Km Xornadas Marisqueiras do Berbés, II 10 Km Praia de Samil, VII Vigo+11, VIII Subida ao Castro, e LII Carreira do Pavo .

A Fundación colabora na difusión desta liga coa inserción de dúas páxinas promocionais no diario Faro de Vigo, en virtude do convenio de colaboración existente. Tamén seguimos puntualmente todas as carreiras con informacións e clasificacións na web.

Por último, mencionar que colaboramos coa Gala do Deporte, que organiza a Concellería de Deportes e que recoñece anualmente a os mellores deportistas da mancomunidade.

Vigo, 29 de outubro de 2013